



CONCELLO DE CABANA DE BERGANTIÑOS

A Carballa, s/n - Cesullas
15115 CABANA DE BERGANTIÑOS
(A Coruña)
C.I.F.: P1501400D

Telefonos 981 75 40 20 - 981 75 42 30
Telefax 981 75 42 29
www.concello-cabana.es
cabana@concello-cabana.es

BASES REGULADORAS PARA A CONCESIÓN DE AXUDAS EDUCATIVAS SOCIAIS. CONVOCATORIA 2024.

1.- OBXECTO E FINALIDADE

De conformidade co disposto na Lei 38/2003 Xeral de Subvencións, é obxecto destas bases a regulación das axudas educativas para paliar situacións de emerxencia social de familias empadroadas e residentes no concello de Cabana de Bergantiños.

Entendese por axudas educativas de emerxencia social ao conxunto de prestacións económicas destinadas a paliar ou resolver, por si mesmas ou complementariamente con outros recursos e prestacións, situacións de emerxencia social e previr situacións de exclusión social.

A finalidade destas axudas é dar resposta a situacións de necesidade sempre e cando exista unha carencia de medios económicos e factores de risco social.

Considéranse situacións de emerxencia social a falta de cobertura económica para afrontar os gastos de libros de texto, libros de lectura, material escolar, material informático, material deportivo, servizo de comedor e desprazamentos aos centros de educación.

O gasto derivado das presentes bases imputarase á aplicación 231.48000 do Orzamento Xeral do Concello de Cabana de Bergantiños para o ano 2024, consignando un total de 15.000,00 €.

Serán gastos subvencionables ao abeiro das presentes Bases aquelas levadas a cabo no período comprendido entre o 1 de xaneiro de 2024 e o 15 de decembro de 2024.

2.- PERSOAS BENEFICIARIAS

Poderán ser beneficiarios destas axudas os/as pais/nais, titores/as ou representantes legais dos menores e os maiores de 18 anos ou menores emancipados que cursan estudos en centros de ensino públicos que carezan de medios económicos e que presenten factores de risco social e precisen dunha axuda para satisfacer a súas necesidades no ámbito educativo.

Enténdese como unidade familiar o conxunto de persoas que convivan no mesmo domicilio unidos por lazos de consanguinidade ou afinidade.

O grao de parentesco contarase a partir da persoa beneficiaria.

Cando por causa de forza maior unha familia vese obrigada a residir con outra non perderá a condición de unidade económica independente.

3.- REQUISITOS

3.1- Estar empadroado/a e residir no termo municipal de Cabana de Bergantiños cunha antelación mínima de seis meses á solicitude. Poderán estar exentas deste período mínimo aquelas persoas ou familias sempre que o persoal técnico do departamento de servizos sociais valore tecnicamente no informe social a existencia dunha situación de grave emerxencia que poda desencadear un proceso de exclusión social pola concorrencia dalgún dos factores recollidos no art. 3.1 da Lei 10/2013 de Inclusión Social de Galicia.

3.2- Ter cumpridos os 18 anos ou ter recoñecida a emancipación legal.

3.3- Que polo carácter apremiante da necesidade se requira unha intervención inmediata e urxente, que non se poda resolver coa premura necesaria con outras axudas públicas destinadas á mesma finalidade polos prazos establecidos para a súa tramitación.

3.4- Non ter acceso a axudas destinadas á mesma finalidade doutros organismos, entidades o administracións públicas que cubran a totalidade da necesidade pola que se solicita a prestación (terá carácter subsidiario con respecto a calquera outra axuda ou prestación pública destinada a mesma finalidade).



CONCELLO DE CABANA DE BERGANTIÑOS

A Carballa, s/n - Cesullas
15115 CABANA DE BERGANTIÑOS
(A Coruña)
C.I.F.: P1501400D

Telefonos 981 75 40 20 - 981 75 42 30
Telefax 981 75 42 29
www.concello-cabana.es
cabana@concello-cabana.es

3.5- Non dispoñer de bens mobles ou inmobles, distintos á vivenda habitual, sobre os que se posúa dereito de propiedade, usufruto ou calquera outro, que polas súas características, valoración, ou posibilidade de explotación ou venta, indique a existencia de medios suficientes para atender a necesidade pola que se solicita a axuda.

3.6- Carencia de medios económicos para facer fronte á necesidade de urxencia, de acordo co artigo 5.

3.7- Que no existan familiares obrigados legalmente e con posibilidades reais de prestarlles auxilio económico. Quedan eximidos deste requisito aqueles solicitantes nos que se prevea que esta obrigación non se poda facer efectiva polas relacións familiares deterioradas, inexistentes, malos tratos familiares, o circunstancias socioeconómicas de precariedade. As circunstancias acreditaranse no informe social correspondente.

3.8- Atoparse nunha situación de emerxencia social pola valoración técnica e ditame profesional do persoal técnico do departamento de servizos sociais.

3.9- Cumprir os requisitos establecidos no artigo 13 da Lei Xeral de Subvencións, agás no punto 2 e), non sendo igualmente necesario o acreditación de estar ao corrente coas obrigas da facenda municipal, tendo en conta a natureza da subvención concedida.

4.- ÁMBITO DE APLICACIÓN

O ámbito de aplicación destas bases ven determinado por aquelas persoas que, acorde co Sistema Galego de Servizos Sociais, sexan valoradas como persoas en situación ou risco de exclusión social, de acordo a unha ausencia ou déficit grave de recursos económicos e situación de desemprego, así como a concorrencia dalgún dos seguintes factores de exclusión, cando supoñan unha especial dificultade de integración social ou laboral:

- a. Estar en situación de cargas familiares non compartidas, tanto de menores como de persoas maiores dependentes ou afectadas de discapacidade.
- b. Estar en proceso de rehabilitación social, que participen nun programa de deshabitación de substancias aditivas así como aquelas que finalizaron recentemente dito programa e se atopen nunha situación de vulnerabilidade social.
- c. Ter a condición de muller vítima de violencia de xénero.
- d. Ser unha persoa vítima de violencia doméstica.
- e. Ter unha discapacidade valorada igual ou superior ao 33%.
- f. Ser inmigrante ou emigrante retornado.
- g. Proceder de institucións de protección o reeducación de menores.
- h. Proceder dunha institución penitenciaria polo cumprimento dunha pena.
- i. Ser unha persoa sen fogar ou residir nunha infravivenda.
- j. Pertencer a minorías étnicas.
- k. Estar en proceso de abandono do exercicio da prostitución ou ser vítima de explotación sexual-laboral en redes de prostitución ou de trata de persoas.
- l. Ter a condición de persoa transexual ou estar en proceso de reasignación sexual.
- m. Calquera outro factor que condicione negativa y gravemente a inclusión social e laboral.

5.- LÍMITES DE RECURSOS E CONTÍA

- Límite de recursos da unidade de convivencia independente:



CONCELLO DE CABANA DE BERGANTIÑOS

A Carballa, s/n - Cesullas
15115 CABANA DE BERGANTIÑOS
(A Coruña)
C.I.F.: P1501400D

Telefonos 981 75 40 20 - 981 75 42 30
Telefax 981 75 42 29
www.concello-cabana.es
cabana@concello-cabana.es

- Para as unidades de convivencia constituídas por un so membro, o límite de ingresos será o equivalente ao IPREM mensual.
 - Para as unidades de convivencia constituídas por dous membros o límite de ingresos será o equivalente ao 1,5 do IPREM mensual.
 - Para as unidades de convivencia constituídas por tres membros límite de ingresos será o equivalente ao 1,8 do IPREM mensual.
 - Para as unidades de convivencia constituídas por catro membros o límite de ingresos será o equivalente ao 2,1 do IPREM mensual.
 - Para as unidades de convivencia constituídas por cinco ou máis membros o límite de ingresos será o equivalente ao 3 do IPREM mensual.
- Contía: A contía máxima subvencionable será por cada beneficiario de 300,00 €.

6.- CÓMPUTO DE RECURSOS ECONÓMICOS DAS PERSOAS BENEFICIARIAS

Para determinar os recursos económicos da unidade de convivencia terase en conta:

- Ingresos:

O total de ingresos mensuais que perciba no momento da solicitude a persoa solicitante e as que constitúan a unidade de convivencia en concepto de rendas, pensións, retribucións, prestacións, axudas, subsidios e prestacións de pago único o por calquera outro concepto.

Descontarase da suma total dos ingresos o gasto derivado do uso da vivenda habitual en concepto de alugueiro ou do préstamo hipotecario. A contía máxima que se pode restar aos ingresos por os ditos conceptos será do 75% do IPREM mensual.

Non se considerarán recursos económicos a efectos do cómputo:

- Os ingresos irregulares de escasa contía que unicamente resulten un complemento de supervivencia.
- Os ingresos de carácter finalista dirixidos á formación regulada.
- Os ingresos por asistencia a cursos de formación non regrada sempre que pola súa natureza e menor contía dedúzase que só remuneran os gastos de asistencia ao curso ou incentivos á formación.
- As prestacións económicas procedentes do recoñecemento da situación de dependencia.
- Calquera outra axuda de carácter finalista para a cobertura de necesidades básicas doutras entidades ou administracións (bono social eléctrico, axuda urxentes de tipo social para evitar os cortes de subministración eléctrica ás persoas máis vulnerables, tarxeta benvinda, etc.).

7.- PROCEDIMIENTO

Estas subvencións concederanse de forma directa aos solicitantes que cumpran os requisitos establecidos nestas bases específicas, de conformidade co previsto no artigo 22.2.c da Lei 38/2003.

De conformidade co previsto no artigo 20.8 b) da Lei 38/2003 Xeral de Subvencións, en atención a natureza das subvencións previstas nas presentes bases e o respecto e salvagarda do honra, a intimidade persoal e familiar das persoas físicas beneficiarias, non será obxecto de publicación na Base Nacional de Subvencións as subvencións concedidas e identidade dos beneficiarios ao abeiro das presentes bases.

7.1- Documentación acreditativa

A solicitude, segundo o modelo do anexo I, deberá ir acompañada da seguinte documentación:

- Orzamento dos gastos para os que se solicita a axuda.



CONCELLO DE CABANA DE BERGANTIÑOS

A Carballa, s/n - Cesullas
15115 CABANA DE BERGANTIÑOS
(A Coruña)
C.I.F.: P1501400D

Telefonos 981 75 40 20 - 981 75 42 30
Telefax 981 75 42 29
www.concello-cabana.es
cabana@concello-cabana.es

- b. DNI/NIE de todos os membros da unidade de convivencia maiores de idade ou documento análogo de igual valor.
- c. Libro de familia ou documentación equivalente e demostrativa da filiación.
- d. Sentenza de separación ou divorcio ou do convenio regulador ou documento regulador das relacións paterno-filiais, de ser o caso, así como constancia da contía de manutención.
- e. Copia do contrato de alugueiro ou do préstamo hipotecario e os últimos xustificantes de pagamento.
- f. Xustificación dos ingresos de todas as persoas integrantes da unidade familiar que se atopen en idade laboral relativa aos últimos 6 meses anteriores á presentación da solicitude:
 - Declaración do IRPF ou, no caso de non estar obrigado/a a declarar, certificado negativo emitido pola Axencia Estatal de Administración Tributaria.
 - Follas de salario de todos os membros da unidade familiar computables e que perciban haberes. No caso de autónomo deberá presentar os modelos 130 e 131 e no caso de traballadores no réxime especial agrario deberá presentar o modelo 303.
 - Extracto dos movementos de todas as contas bancarias das que sexan titulares calquera das persoas que integran a unidade familiar.
 - No caso de persoas en situación de desemprego, tarxeta de demanda de emprego e certificado das prestacións por desemprego ou no seu defecto o certificado negativo das ditas prestacións emitido por la oficina do SEPE.
 - Certificado das prestacións ou pensións do ano en curso das persoas que integran a unidade familiar.
- g. No caso de persoas con discapacidade, ou en situación de dependencia a copia do certificado de discapacidade e/ou da situación de dependencia.
- h. Nos casos de maltrato, violencia doméstica ou de xénero terase que presentar a documentación que acredite a dita situación (copia da denuncia correspondente, da orde da protección, da sentenza xudicial ou informe dun centro acreditado de atención a muller).
- i. Documento de domiciliación bancaria, certificado da entidade bancaria onde consten os datos do titular da axuda (si é un pago directo), ou factura da persoa provedora (si é un pago indirecto).
- j. Declaración responsable da persoa solicitante segundo anexo II.
- k. Calquera outra documentación que para a correcta valoración da solicitude lle poda ser requirida durante a tramitación.

7.2- Forma, lugar e prazo de presentación das solicitudes.

A solicitude, acompañada da documentación acreditativa, presentarase no rexistro de entrada do Concello para o seu traslado ao departamento de servizos sociais **a partir do día seguinte ao da publicación do anuncio das presentes bases no Boletín Oficial da Provincia ata o 5 de decembro de 2024.**

Unha vez recibida a solicitude requirirase no seu caso a persoa interesada para que proceda á subsanación dos erros ou para a achega da documentación necesaria, apercibíndolle que no caso contrario se lle terá por desistida súa petición, procedéndose ao arquivo do expediente.

7.3 Resolucións e notificación ás persoas interesadas.

Unha vez completado o expediente, previa a fiscalización da Intervención e acreditación de existencia de crédito, elevarase a Alcaldía a solicitude coa documentación adxunta e o informe social. Dito informe social acreditará a urxencia da axuda solicitada coa valoración técnica para que se emita a resolución.

En todo caso a axuda concederase en función do crédito orzamentario dispoñible na correspondente aplicación orzamentaria.



CONCELLO DE CABANA DE BERGANTIÑOS

A Carballa, s/n - Cesullas
15115 CABANA DE BERGANTIÑOS
(A Coruña)
C.I.F.: P1501400D

Telefonos 981 75 40 20 - 981 75 42 30
Telefax 981 75 42 29
www.concello-cabana.es
cabana@concello-cabana.es

Na resolución quedarán reflectidos os seguintes extremos:

- Identificación da persoa beneficiaria
- Concepto para o que se concede a axuda
- Contía da axuda concedida
- Forma de pago

8.- XUSTIFICACIÓN DAS AXUDAS

A xustificación das axudas farase antes do **20 de decembro de 2024**, mediante a presentación das facturas con todos os requisitos regulamentarios e os xustificantes de pago.

O importe da subvención reducirase proporcionalmente aos gastos non xustificadas correctamente.

Con carácter xeral, o pagamento da subvención concedida farase efectivo unha vez xustificadas totalmente os gastos realizados, mediante a presentación das facturas e o dos xustificantes de pago. A acreditación do pagamento das mesmas realizarase mediante a presentación de extractos ou certificacións bancarias, permitindo os pagos en metálico co recibí do provedor en facturas inferiores a 1.000,00 €.

Excepcionalmente o pago da axuda poderá realizarse:

- A favor da persoa provedora, tras a comprobación da factura correspondente, en cuxo caso a persoa perceptora da axuda deberá asinar unha declaración xurada facendo constar a cesión do pago a favor da persoa provedora.
- Con carácter previo á presentación da xustificación da axuda, sempre que concorran circunstancias que o aconsellen, con informe favorable do departamento de servizos sociais.

9.- INSPECCIÓN E CONTROL

O concello poderá realizar as comprobacións que estime oportunas respecto das axudas concedidas e terá acceso a toda a documentación xustificativa, así como a requirir as persoas beneficiarias nos termos que precise, todo iso de conformidade co disposto no título III da Lei 38/2003.

10.- OBRIGAS DAS PERSOAS BENEFICIARIAS

As persoas solicitantes destas axudas están obrigadas a:

- Comunicar ao departamento de servizos sociais todas aquelas variacións producidas na súa situación socio familiar, que podan modificar as circunstancias que motivaron a solicitude.
- Destinar a cantidade percibida para os fins para os que se concedeu.
- Permitir e facilitar a actuación dos servizos sociais para avaliar a súa situación socio-familiar e comprobar a aplicación da axuda á finalidade para que se concedeu.
- Reintegrar os importes concedidos cando non se destinen aos fins para que se concederon.

11.- EXTINCIÓN

Serán causas de extinción da axuda concedida:

- Falseamento ou ocultación de datos para obter o dereito á axuda.
- Desaparición das circunstancias que deron orixe a súa concesión.
- Baixa do padrón municipal.
- A non presentación das facturas que deron lugar á axuda concedida.
- Falecemento da persoa beneficiaria.



CONCELLO DE CABANA DE BERGANTIÑOS

A Carballa, s/n - Cesullas
15115 CABANA DE BERGANTIÑOS
(A Coruña)
C.I.F.: P1501400D

Teléfonos 981 75 40 20 - 981 75 42 30
Telefax 981 75 42 29
www.concello-cabana.es
cabana@concello-cabana.es

12.- INFRACCIÓNS E SANCIÓN

O réxime de infraccións e sancións será o establecido no título IV da Lei 38/2003.

O incumprimento parcial ou total das condicións establecidas, a desviación da subvención para actividades ou conceptos non estimados no proceso de tramitación e resolución, ou incumprimento da obrigación da xustificación, a duplicidade de subvenciones para un mesmo programa, sempre que non sexan complementarias con cargo a créditos doutras administracións públicas, constituirán causa determinante para a revogación da subvención concedida, coa conseguinte devolución dos créditos obtidos.

Igualmente, o falseamento ou ocupación dos datos esixidos nas correspondentes convocatorias, así como a aplicación da prestación a fins distintos dos previstos, dará lugar á cancelación da subvención e a obrigación do reintegro das cantidades recibidas.

As cantidades a reintegrar terán a consideración de créditos de dereito público, resultando de aplicación para o seu cobro o previsto no Regulamento Xeral de Recadación.

DISPOSICIÓN ADICIONAL. NORMATIVA SUPLETORIA

En todo o non previsto nestas bases aplicarase o disposto na Lei 38/2003 Xeral de Subvencións e e demais normativa de réxime local aplicable.

DISPOSICIÓN FINAL

As presentes bases entrarán en vigor unha vez publicadas integramente no Boletín Oficial da Provincia de A Coruña e comezarán a aplicarse a partir do día seguinte.

Cabana de Bergantiños

O alcalde, José Muíño Domínguez

Documento asinado dixitalmente